

Na osnovu člana 24. Statuta Općine Hadžići („Službene novine Kantona Sarajevo“, broj: 15/09, 17/12, 10/13, 14/13 - ispravka, 11/18 i 1/20), a u skladu sa članom 7. Zakona o finansiranju političkih partija („Službeni glasnik BiH“, broj: 95/12 i 41/16), članom 18. stav 2. Poslovnika Općinskog vijeća Hadžići - prečišćeni tekst („Službene novine Kantona Sarajevo“, broj: 7/18 i 19/23) i Projekcijama Budžeta Općine Hadžići, Općinsko vijeće Hadžići, na 2. sjednici, održanoj 28.11.2024. godine, d o n o s i

ODLUKU

o finansiranju parlamentarnih grupa Općinskog vijeća Hadžići iz Budžeta Općine Hadžići

Član 1.

Iz Budžeta Općine Hadžići finansiraju se parlamentarne grupe koje su zastupljene u Općinskom vijeću Hadžići.

Član 2.

Ukupan iznos sredstava namijenjenih za finansiranje parlamentarnih grupa iznosi 90.000,00 KM.

Član 3.

Navedena sredstva raspoređuju se na parlamentarne grupe na način da se 30% sredstava raspoređuje jednako odnosno linearno svim parlamentarnim grupama, 60% od ukupnog iznosa raspoređuje se srazmjerno broju mandata koje svaka parlamentarna grupa ima u trenutku raspodjele, dok se 10% od ukupnog iznosa raspoređuje parlamentarnim grupama srazmjerno broju mandata koja pripadaju manje zastupljenom spolu, kako slijedi:

R. br.	Parlamentarne grupe	30%	Broj mandata	% učešća	60%	Broj mandata podzastupljenog pola	% manje zastupljenog pola	10%	Iznos/KM mjesečno	Iznos/KM godišnje
1.	SDA Hadžići	375,00	13,00	48,15	2.166,67	6,00	85,71	642,86	3.184,53	38.214,36
2.	Narod i pravda	375,00	5,00	18,52	833,33	0,00	0,00	0,00	1.208,33	14.499,96
3.	Stranka za BiH	375,00	4,00	14,81	666,67	1,00	14,29	107,14	1.148,81	13.785,72
4.	SDP	375,00	2,00	7,41	333,33	0,00	0,00	0,00	708,33	8.499,96
5.	Naprijed BiH	375,00	2,00	7,41	333,33	0,00	0,00	0,00	708,33	8.499,96
6.	Naša stranka	375,00	1,00	3,70	166,67	0,00	0,00	0,00	541,67	6.500,04
	Ukupno	2.250,00	27,00	100,00	4.500,00	7,00	100,00	750,00	7.500,00	90.000,00

Član 4.

Ova Odluka je sastavni dio Budžeta Općine Hadžići, i odnosi se na “Grantove neprofitnim organizacijama” koji se vode na razdjelu Službe za opću upravu, društvene djelatnosti i zajedničke poslove.

Član 5.

(1) Ako u toku mandata izabranih vijećnika Općinskog vijeća Hadžići, dođe do istupanja vijećnika iz parlamentarne grupe, sredstva koja su pripadala parlamentarnoj grupi iz koje vijećnik istupa, a koja su definisana u članu 3. ove Odluke raspodijeliti će se na sljedeći način:

- 30% pripadajućih sredstava parlamentarnoj grupi kojoj je vijećnik pripadao u vrijeme dobivanja mandata ako ta parlamentarna grupa ima još vijećnika koji joj pripadaju, u protivnom sredstva se ne isplaćuju, odnosno ostaju neisplaćena;
- preostali iznosi od ukupno 70% će se dijeliti srazmjerno broju osvojenih mandata vijećnika, te će se dio sredstava koji pripada vijećniku/cima isplatiti na račun vijećnika. Ukoliko istupajući vijećnik/ca pripada manjem zastupljenom spolu, pripada mu i iznos od 10% koji je ostvaren po tom osnovu.

(2) Sredstva iz prethodnog stava, koja se prebace na lične račune istupajućih vijećnika se u skladu sa zakonskim propisima obračunavaju u "bruto" iznosu, te se istupajućim vijećnicima nakon obračunatih i uplaćenih poreza i doprinosa na tekući račun isplaćuje „neto“ iznos „na ruke“.

(3) Način raspodjele sredstava iz stava 1. ovog člana primjenjivat će se počev od narednog mjeseca u kojem je vijećnik/ci istupio/li iz parlamentarne grupe kojoj je pripadao u vrijeme dobivanja mandata.

Član 6.

(1) Ako u toku mandata dođe do promjene u broju mandata podzastupljenog spola, nadležna Služba za upravu će sačiniti novi raspored sredstava iz člana 3. ove Odluke ne mijenjajući iznos iz člana 2. ove Odluke.

(2) Ako se u toku mandata desi situacija da nema podzastupljenog spola (da nijedan spol nije zastupljen sa manje od 40%) nadležna Služba za upravu će sačiniti novi raspored sredstava iz člana 3. ove Odluke ne mijenjajući iznos iz člana 2. ove Odluke, a vodeći računa da se sredstva rasporede na način da se 30% sredstava raspoređuje jednako odnosno linearno svim parlamentarnim grupama, a 70% od ukupnog iznosa raspoređuje se srazmjerno broju mandata koje svaka parlamentarna grupa ima u trenutku raspodjele sredstava.

(3) Novi raspored sredstava u vezi prethodna dva stava ovog člana će se primjenjivati od narednog mjeseca u odnosu od kada je došlo do promjene rasporeda.

Član 7.

Ako u toku trajanja mandata, određena parlamentarna grupa bude imala neizmirenih obaveza prema Općini Hadžići, potraživanja Općine će se namiriti iz dotacije predmetne parlamentarne grupe. Ako i pored navedene odredbe, potraživanja Općine nije moguće namiriti, ista će se potraživati nadležnim sudom, putem Pravobranilaštva Općine Hadžići.

Član 8.

Stupanjem na snagu ove Odluke prestaje da važi Odluka o finansiranju parlamentarnih grupa Općinskog vijeća Hadžići iz Budžeta Općine Hadžići („Službene novine Kantona Sarajevo“ broj: 6/21).

Član 9.

Ova Odluka stupa na snagu danom objavljivanja u „Službenim novinama Kantona Sarajevo“, a primjenjuje se od 01.11.2024. godine.

Broj: 01-02-14476/2024
Hadžići, 28.11.2024. godine

Predsjedavajući
Općinskog Vijeća Hadžići

Dženan Rizvo